

併陷懷愍二帝悲夫

信言不美章第八十一

莫愛美言終不信信言不美益人多

德經云信言不美美言不信

善心匿耀真修習辨口矜能詐唯阿

德經云善者不辯辯者不善唯阿者詭狗

之辭

朴質忘機齊抱瓮縱橫遠性薄懸河

抱瓮無機勝懸河有辯

聖人利濟民歸德

德經云聖人之道為而不爭

玉燭須調物象和

德經篇章玄頌卷下

二篇同卷

道德真經頌

明真破妄章頌

淵五

道德真經頌

茅山 蔣融 廣 誤

經總序頌

紫霧光中信息通聊將黃葉詭兒童若拘語  
向明宗旨辜負當年白髮翁

一章

綿綿密密絕胚胎動着塵埃撥不開今日為  
君通一線一齊吹向此門來

二章

本无差別與有訛无奈他家事轉多用力到  
時須勇猛端然无不犯清波

三章

見得分明用得高不救家富小兒嬌寒求暑  
往无多事四海清平賀聖朝

四章

惜功名位勞心力說盡人間最苦心放去收  
来无限意免教陸地受平沉

五章

一物靈然亘古雄玲瓏八面總疎通看時恰  
似无蹤跡及至拈來用不窮

六章

天地由來本自然何曾有意看中邊若人薦  
得絲毫力獨坐孤峯壓大千

七章

我本无心豈有爭迢迢劫外德縱橫自從一  
句相名貌直至如今說不清

八章

先天有物鎮長存八萬塵勞出此門識取根  
源端不動巍巍何處不稱尊

九章

有心何似本无心自己家風處處真莫把醜  
翻成毒藥到頭方見出頭人

十章

一切有為俱是苦尋枝摘葉幾時休直饒生  
斷千差路已落他家第二等

十一章

妙在機先本自然頭頭應用勿頗偏只愁此  
意無人會更向灘頭喚渡船

十二章

門外風光幾萬般幾多遊子不知還若無舉  
鼎拔山力爭得回頭冷處看

十三章

寵辱本來無我相只因我相逐緣生若明我  
相无非我豈受他家一點塵

十四章

離諸名相且非真說得分明轉不親只把目  
前恩苦事方知何法可當情

十五章

反山六目猶難測徒把形容亂比倫不是其  
中此子別一回拈出一回新

十六章

冷處方纔好看報到家萬事總如然借婆彩  
子拜婆節依舊還歸婆面前

十七章

道着知之早不祥那堪遍地是刀鎗及手到

得功成後幸負東君枉斷腸

十八章

好漢不求无病藥癡人認着眼中花何如萬  
里長天碧一月孤光共一家

十九章

好事端然不用求誰知轉地却成愁區區依  
倚成何事畢竟歸家走到頭

二十章

大圓鏡裏无差別百尺竿頭要轉身消息斷  
時方活路依前不離本來人

二十一章

觸目全彰无背向於中此子最風流寥寥千  
古分明在坐着青山幾度秋

二十二章

放去收來幾百般用時總在一毫端直須截  
斷功勳路方得全軍戰勝還

二十三章

山是山兮水是水水不是水山非山人人自  
有通天竅爭奈時人自作難

二十四章

脚下工夫須踏實自揚家醜却成魔假競不  
把絲毫者着眼觀來已自多

二十五章

渾淪一物離中邊卓越端居象帝先只為強  
名名不得方知月落不離天

二十六章

纒涉絲毫變態生全身擔板實非輕當場辨  
得實中主坐斷南頭稱太平

二十七章

妙處初非由造作為人親切老婆心師資密  
意誰人會獨對東風惱殺人

二十八章

做小看好全仗倆貧頑早老又如何至頭須  
是成家業爭奈人間事轉多

二十九章

將心擬待還應錯着意為時又轉傷何怕世  
間多少事也宜閑處着隄防

三十章

強兵戰勝若為憐得意濃時使好休不是將  
軍心膽大想應平地使人愁

三十一章

毒病還他毒藥醫病除毒藥不須治不誇毒藥能除病癘當思未癘時

三十二章

朕兆機先豈有名其中些子冠群倫無端特地安名後袞袞東流日夜傾

三十三章

萬般施設甚優游一切都虛一法收假使黑風翻大海未聞沉却釣魚舟

三十四章

遍體時時不覆藏不離當處盡風光生成萬有元非主獨坐巍巍孰可量

三十五章

形狀雖無氣象雄懂懂來者總包容六用不行消息盡頭頭應用了无窮

三十六章

機關深遠誠難測變化恢張理莫窮休把是非來着我到頭應不與君通

三十七章

大道閑閑該衆妙森羅萬象盡分明三千里

外反消息未日寥寥賀太平

三十八章

大圓鏡裏无分別分別妍媸鏡不傷可惜後人成榜樣從茲較短復量長

三十九章

妙處元來不在多事多徒自起看說直饒分別看說去玉石依前不似他

四十章

懸崖斷處須回首省力工夫不在強擾擾世間多少事不知終日為誰忙

四十一章

真金自有真金價別寶須還識實人未後不因重說破至今不復解知音

四十二章

便須撒倒萬藤窠切忌將身入網羅直得待他休歇後誤人多處誤人多

四十三章

紅鼓燎人流似火石人入火不能煙其間好處无多子買得風光不用錢

四十四章

輕重由來自有常常時切忌錯商量莫將好事為奇特好事令人轉斷腸

四十五章

見得分明用得真箇中別自涉踈親兩頭坐斷无依倚兩過千峯一樣青

四十六章

事擾擾時吾擾擾我閑閑後事閑閑明明識得閑閑法長笑一聲天地寬

四十七章

不離當處自風生動着絲毫便不消坐着區區門外客幾多車馬任縱橫

四十八章

為道休將為學觀三千里外髑髏乾巍巍坐斷無生國更向无生那畔看

四十九章

大道平平絕處偏春花何處不鮮妍癡人相對難言夢故把鸞膠續斷絃

五十章

剝腹傾腸都說破何須特地轉生疑疑時自有通霄路不許時人着眼窺

五十一章

不動纖毫應萬機知思之後更誰知及乎事  
向无心得却問无心是阿誰

五十二章

絲頭念念生之本識得根源善執持水泄不  
通猶未是到家正好着便宜

五十三章

道在其中不易知迢迢大路絕傾歌癡人不  
解成家業盡逐韶華向外馳

五十四章

工夫穩處不通風密客綿綿又不窮底事毛  
端合法界都緣認得主人翁

五十五章

終朝赤子恣熙熙當體凝然總不知纒法有  
為成造作運他葉落又抽枝

五十六章

坐斷牢關通一線自然到處便風流曉來兩  
洗千峯碧一點劍劍海上鷗

五十七章

萬法門中自有常纖塵纒動便乖張秋風斷

送一番兩无意涼人人自涼

五十八章

不慧不癡无限意翻雲覆雨幾多時可憐此  
意人稀識倒着欄衫獨自歸

五十九章

冷淡工夫真朴實到家活計豈能量功處行  
滿超三際萬劫千生撲鼻香

六十章

舉心動念成虧缺東場場絕所疑上下升  
平天地闢此思須是大家知

六十一章

木落山空萬寶秋陰陽造化妙推求但將坎  
水藏離火贏得精神蓋九州

六十二章

一點圓明處處同高低富貴不如僕見成受  
用无虧缺千聖從教立下風

六十三章

道着无中早不中不勞計較自收功莫將此  
事為容易這裏針鋒也不容

六十四章

機先截斷千差路動着纖毫事轉傷可煞憐  
人无耐性為他閑事惹愁腸

六十五章

向道惺惺不似癡惺惺多事復多機若知此  
箇真端的妙用縱橫總不知

六十六章

衆流滾滾盡朝宗只為他家信息通若把无  
心成有意百花撩亂惱春風

六十七章

當頭觸着動乾坤任是王維畫不成可惜抄  
開泥水路為他深處少人行

六十八章

省待家風用得親當知水到自渠成寒寒此  
意知何盡幾度潮平月又生

六十九章

將軍堅壁屈人兵不犯秋毫致太平待得功  
成无一事却恰當日太轟生

七十章

此間明明无間隔時人何不使承當若教此  
事人都識不直他家一盞湯

七十一章

得了還同未得時於中元不涉毫釐脫身未  
到膏肓外萬孔千瘡作麼醫

七十二章

生來膽大又心麤豁達精神自有餘收拾得  
來誰得似珊瑚枝上舞金烏

七十三章

當機殺活甚玄微輕重還他作者知子細為  
君重說破夜寒毛骨冷淒淒

七十四章

○ 惟法須還識法人從來王法等无親欲知王  
法无親處月影穿潭不見痕

七十五章

清平世界沒有說只為家翁不奈何臨事始  
知无事好雙垂赤脚笑呵呵

七十六章

這箇由來本不殊誰將強弱巧分跡直下既  
分生死路无星秤子較輜銖

七十七章

天人元不隔毫釐纔涉毫釐轉背馳為怕夜

行侵早起誰知獨惹露露衣

七十八章

親面相達語不欺奈何獨自少人知當場薦  
得深深意日出扶桑却在西

七十九章

分明識破不為究竟識先須達本源識得本  
源真要的了知天道沒頗偏

八十章

隨家豐儉乃安然萬法之中盡省緣喫餅着  
衣无一事大家風月本同天

八十一章

○ 擇法須還眼目親至真用處出根塵到頭一  
轉无私句不離當場這主人

道德真經頌

第五

七

明真破妄章頌

虛靖 張真君 著

道生天地

混沌未分先有道德道无形色亦无情自然化  
育生天地天道輕清地道寧

天地生人

道生天地始无名分判陰陽立五行人位其  
中靈萬物人從天地道生成

人稟陰陽

○ 三才天地人同炁人稟先天一炁靈一炁具  
身名曰道感通天地及神明

一炁生三

一真真外更无真祖炁道靈具此身道一生  
三生妙用元精元氣與元神

人身三寶

元精元氣與元神三者无形亦有形運用得  
傳真可見光明无極是分明

一炁相關

雷乃先天炁化成諸天仙聖總同真我身一  
炁相關名同祖同宗貼骨親

11071 A V 20